

<><><><><>

## HEADLINES

- ۱۔ بی۔ جے۔ پی۔ گجرات مانہ لگاتار چھویں واری حکومتیان غی ضلالت مانہ اگنی بے جدکہ ہماچل پردیش مانہ وی جت آلے پاسے اگے بدھ رہی بے۔
- ۲۔ وزیر جنگلات چوہدری لعل سنگھ نے کہیو بے جے ہر ملازم غو یوہ اہم فرض بے جے وہ مقاصد حاصل کرن غی خاطر ایماندارانہ کوشش کرے۔
- ۳۔ ضلع ریاسی مانہ اج اک منی بس گا اک کھائی مانہ پیے جان سنگ کھٹاں کھٹ مسافر زخمی ہو گیا این۔
- ۴۔ ممبئی مانہ اج سرگ لگن گا اک واقع مانہ ۲۱ افراد ہلاک ہو گیو این۔

<><><><><>

## ELECTIONS RESULTS

بھارتیہ جنتا پارٹی گجرات مانہ لگاتار چھویں وار اقتدار حاصل کرن آلے پاسے اگے بدھ رہی بے ہن توڑی موصول اطلاعا غے مطابق کل ۱۸ سیٹاں گا نتیجاں غو اعلان کیو جا چکو بے جن وچوں بی۔ جے۔ پی۔ ۵۴ سیٹاں ور کامیاب ہوچکی بے کانگریس ناتھ ہن توڈی ۴۳ جدکہ دوجا امیدواراں ناتھ ۲ سیٹاں ور لامیابی ملی بے گنتی غے دوران ملن آلا اُدجاناٹ غے مطابق بی۔ جے۔ پی۔ ۳۵ جدکہ کانگریس ۴۴ سیٹاں ور اگے چل رہی بے تے ۴ سیٹاں ور دوجا امیدوار ثنقت مغزی راجکوٹ اسمبلی حلقہ تیں اپنا کانگریسی حریف، انددائل راجگورو ”ناتھ ہرا غے کامیاب رہیا اُنہاں نے ۰۲ ہزار ووٹاں تیں اپنا مدمقابل شکست دتی۔ اُنہاں ہماچل پردیش مانہ ہن توڑی ۶۱ سیٹاں ور چناو نتیجاں غو اعلان کیو گیو بے جن وچوں بی۔ جے۔ پی۔ نے ۰۱ سیٹ جت لی این جدکہ کانگریس ناتھ ۵ تے دوجا امیدواراں ناتھ اک سیٹ ور کامیابی مل چکی بے بی۔ جے۔ پی۔ ریاست مانہ ۳۳ جدکہ کانگریس ۶۱ تے دوجا ۳ سیٹاں ور ٹیسوقت بنایاوا ہیں اج سویرے ان دواں ریاستاں مانہ ووٹاں غی گنتی شروع ہوئی تھی واضع رہ جے گجرات ریاست مانہ بی۔ جے۔ پی۔ لگاتار چھویں وار حکومت بنان غی حالت مانہ اگنی بے گجرات مانہ ۳۳ ضلعان مانہ گنتی گا ۷۳ مرکز قائم کیا گیا این۔

<><><><><>

## LAL SINGH POLLUTION

جنگلات و ماحولیات غا ریاستی وزیر چوہدری لال سنگھ گو کہنو بے کہ محکمہ جنگلات تے الودگی ناں کنٹرول کرن بارے بورڈ برائے راست انسانی صحت نال جوریا واپیں وزیر موسوف اج جموں مانہ پولیشن کنٹرول بورڈ غی طرفوں منعقد اک پروگرام موقع ور اپناں نے محکمہ جنگلات گا ۵۲ اداک ملازمین ناں باقاعدہ بنان تے فارسٹ پروفیکشن آرڈر وی تقسیم کیا اس موقع ور بولتاں واں اُناں نے کہیو کہ محکمہ جنگلات تے پولیشن کنٹرول بورڈ زمین غا تحفظ خاطر اہم قرار ادا کر رہیا ہیں چوہدری لال سنگھ نے مزید کہیو جے نواں رہنما اصولاں تے مقررہ مہابطان غا لاگو کرن سنگ اسمال پلاسٹک ناں نائیب طریقہ دوبارہ تیار کرن اور ماحولیات ور اس گا اثر ناتھ کہت کرن مانہ مدر ملے گی۔

<><><><><>

## ACCIDENT

ضلع ریاسی مانہ اج اک مسافر گڈی ناں پیش آیا سڑک حادثہ مانہ کہٹوں کہٹ ۵۱ افراد زخمی ہوگیا ہیں اس سلسلہ مانہ اک پولیس افسر غو کہنو بے کہ یاه مسافر گڈی درماڈی تیں چلا جارہی تھی جت پٹیاں گا مقام ور یاه گڈی سڑک تیں رُڑ غے ۵۰ فٹ دونگی کھائی مانہ جا پئی دسیو گیو بے کہ اس سلسلہ مانہ ہچاؤ ٹیماں نے موقع ور پُچ غے زخمیاں ناں نزدیکی ہسپتال مانہ بھرتی کرایو بے جن وچوں ۴ زخمیاں غی نازک حالات ناں تکتاں واں اُناں ناں ریاسی ہسپتال ٹوریو گیو بے۔

<><><><><>

## HIDE OUT

حفاظتی دستاں نے اج وادی کشمیر غا بانڈی پور ضلع مانہ اک تلاش کاروائی غے دوران ملی ٹینٹاں غا بڑا ٹھکانہ ناں تباہ کر غے اتوں گولی سکو نرآمد کیو بے ذریعہاں نے دسیو بے کہ جموں کشمیر پولیس غا ایس۔ او۔ جی۔ گروپ نے حال ہی مانہ شمالی کشمیر ضلع تیں ۱ ملی ٹینٹ ناں وی

گرفتار کیو تھو جس نے پسچھ تاچھ غے دوران اس خُفیه ٹھکانہ بارے جانکاری دتی تھی زریعان غو مزید کہنو بے کہ اس خُفیه ٹھکانہ تیں بھاری تعداد مانہ اصلو برآمد کیو گیو بے۔

<><><><><><>

## PROTEST

جموں کشمیر ایم جی نریگا ایمپلائیز ایسوسی ایشن غے بنیر تلے بری تعداد مانہ ایم جی نریگا ملازمان نے نمائیش عیدان جموں مانہ اک احتجاجی مظاہر وکرتان وان ان غی بنیادی تنخواہ مانہ بابتا تے روز گار پالیسی ترتیب دین غو مطالبو کہیو بے احتجاجی ملازمان گا اجتماعی سنگ اپنا اپنا خطاب مانہ ستوان دن مانہ داخل ہوگئی بے تے یابریاست غا تمام ضلعان مانہ ان غا مطالبات پورا ہون توڑی جاری رہ گی بعد مانہ ان ملازمان نے اک احتجاجی ریلی وی کدی مہارا نمائندہ نت دسیو جے روز گار پالیسی مرتب کرن غے علاوہ ان ملازمان گا مطالبات مانہ کنٹریکچل سٹاف غا مشاہراں مانہ ۰۱ فیصدی غو بابدو خواتین گا روز گار ور توجہ دینو تے ایکس۔گراسیر گرانٹ ۵ لکھ روپیاں توڑی مہیا کرانو وی شامل بے۔

<><><><><><>

## COLD

جموں تے اس غا نواحی علاقان مانہ لوکان نانہ سخت ٹھنڈ تیں ہن درجہ حرارت مانہ آئی قرده بہتری سنگ راحت ملی بے جموں شہر مانہ کہٹوں کہٹ درجہ حرارت مانہ ۲ عشاریہ ۶ ڈگری سلیشش غی بہتری آئی بے کہٹوں کہٹ درجہ حرارت ۵ عشاریہ ۱ ڈگری سلیشش توڑی جاچیو تھو جہیڑو ہن ۷ عشاریہ ۷ ڈگری سلیشش ریکارڈ کیو گیو بے اس گل غی جانکاری محکمہ موسمیات گا اک ترجمان نت دتی بے ماتاویشنو دیوی غی گفہ آلا قصبہ کٹڑھ مانہ درجہ حرارت جموں تیں بہتر بے جت کہٹوں کہٹ درجہ حرارت ۹ عشاریہ ۵ ڈگری سلیشش ریکارڈ کیو گیو البتہ بانہال مانہ برف غو خلا اجوں وی علاقہ نانہ ٹکیان وان بے جہیڑو جموں خطہ غو سب تیں ٹھنڈ علاقو دسیو جارہیو بے قصبہ مانہ کہٹوں کہٹ درجہ حرارت منفی صفر عشاریہ ۲ ڈگری سلیشش ریکارڈ کیو گیو بے۔

<><><><><><>

## FIRE

اج سویرے ممبئی مانہ اگ لگن غا اک موقع مانہ ۲۱ افراد ہلاک ہو گیا این ممبئی غی ”کھیرانی“ سڑک ور موجود اک دکان مانہ اج سرگی ساڈھ ۴ بجے اگ لگ گئی دسیو گیو جے اس اگ نانہ ۳ فاتر انجسیان تے ۴ جمبو ٹینکراں غی مدر سنگ بجھا یو گیو عہدیداران نے دسیو بے جے ہن صورتحال قابو مانہ آگئی بے تے پولیس معاملہ غی تحقیقات کر رہی۔

<><><><><><>

## JAWAN CREAMATED

کوشل سنگھ نان گا اُس فوجی جوان اُس گا آبائی گراں سابنہ مانہ پورا فوجی ارزاوات نال آکری رسومات ادا کی گئی ہیں جیڑو کہ شمالی کشمیر مانہ گزشتہ دین اک برف غی مانی تھلے اجان نال بالک ہو گیو تھو اس موقع ور ضلع گا بکھ بکھ گرایاں گا لوکان نے بہادر فوجی ناں اتھرواں سنگ الودائی دتی یو جوان ۳۳ آر۔آر تیں وابسطہ تھو۔

<><><><><><>

## AN-32-KARGIL

جموں کشمیر قانون ساز کونسل غا چیرمین حاجی عنایت علی نے سیول پولیس تے ہوا بازی محکمہ غا اعلیٰ افسراں غی اک میٹنگ منعقد کر غے موجودہ سرد موسم گے دوران ایوریشن اے۔ این ۲۳ کوریر سروس غے متعلق بکھ بکھ معاملان ور تبادلہ خیال کیو میٹنگ غے دوران ہوا بازی بارے مہکمہ گا اعلیٰ اودھے داران نے چیر مین موسوف نے دسیو کہ ہوائی خدمات آئندہ سال گا جنوری مہینہ تیں شروع کردتی جین گی اس موقع ور حاجی عنایت علی نے متقلن ناں ہدایت جاری کیں کہ ہوائی خدمات شروع کرن تے اُنان ناں ہر طریقہ سنگ چلان غی کاظر آپس مانہ نال میل بنایا رکھیں ناں کہ گزشتہ سال غی بانسبت اس سال مسافراں ناں ہور بہتر خدمات مہیا کرائی جاسکیں۔

<><><><><><>

## DORJEY LOSAR

کاپریٹو تے لداخ معاملات گا وزیر سپریننگ دورجے نے ریاستی عوام تے خاصکر لداخ خطہ غا لوکان ناں لوسر گا تہوار غی مبارکباد کہی ہے اُنان نے اُمید ظاہر کہ ہے کہ ہر شخص اس تہوار ناں مہزبی جوش و خروش سنگ مناوے گو جناب دورجے نے مزید کہیو کہ لوک اس تہوار ہا موقع ورآپش ماٹھ پیار و محبت گا جزیہ ناں بعدادو دین بارے پیغمات ناں عام کریں گا اُنان نے لداخ سکاٹس نیم فوجی دستاں سمیت ان لداخی طالب علماں ناں وی خصوصی مبارکباد کہی ہے جیڑا لداخ خطہ تیں باہر تعلیم حاصل کر رہیا ہیں۔

<><><><><><><>

## DIGITAL RECORDS

فات منیجمنٹ مہکمہ گا وزیر عبدالرحمان ویری نے اج ہمال ریلیف تے باز آبادکاری نالے و □ لینڈٹریکارٹز منیجمنٹ ایجنسی ورزور پایو ہے جے واہ ڈیجیٹل انڈیا لینڈٹریکارٹ جدید کاری پروگرام ڈی۔آئی۔ایل آر۔ایم پی مانہ تیزی لیااتاں واں اسنانہ کہٹوں کہٹ عرصہ گے اندر مکمل کرے اُنہاں نے اس گل گو اظہار اج جمون مانہ اج اعلیٰ سطح میٹنگ غے دوران کیو اس موقع ور بولتاں واں اُنہاں نے کہیو جے زمینی ریکارڈ غی کمپیوٹر کاری سنگ زمینی تقشا تیار کرن مانہ کافی شفافیت پیدہ وے گی تے اس راہ ادارہ گا معیاد مانہ وی بہتری آسکے گے وزیر موسوف نے اس موقع ور متعلقہ عہدیداران ناٹھ ہدایت کی جے جمون تے سرینگر گا اک۔اک گران مانہ ڈی ۸ جیٹل گا شروع کیا گیا کم ناٹھ آئیندہ سال مارچ مہینہ توڈی مکمل کیو جائے۔

<><><><><><><>

## ZAHOOOR KASHMIR

جنگلات و ماہولیات گا وزیر مملکت میر ظہور احمد نے اج کراں سانگری مانہ بوٹا غی اک نرسری گا کم کاج غو جائیزو لیو ہے اس موقع ور بولتاں واں اپنان نے کہیو کہ ماہولیات گا تحفظ مانہ عوامی شمولت بے حد ضروری ہے اُنان نے افسراں ناں ہدایت کی کہ جنگلاتی لکڑی غی چوری کرن آہ ور سختی سنگ نظر رکھی جے بعد ماں وزیر موسوف نے افسراں نال مزید میٹنگ وی مقرر کی۔

<><><><><><><>

## JERASALAM UN

اقوام متحدہ سلامتی کونسل اج یروشلم مانہ سفارتی مشن قائم کیا جان تیں گریز گا سلسلہ مانہ پیش کی گئی اک قرار دار ور تمام مُلکاں تیں ووٹ غے ذریعے اُن غی رائے حو پو لاوے گی یاہ قرار دار مصر غی طرفوں پیش کیگئی جہیڑو جے سلامتی کونسل غو اک غیر مستقبل ممبر ہے استوں پہلاں اسے مہینے اس معاملہ ور اک ہنگامی میٹنگ وی کی جاچکی ہے امریکہ غی طرفوں اس تجویز ناٹھ ویٹو کیا جان غو وی امکان ہے واضع رہ جے امریکی صدر ڈونالڈ ٹرمپ غی طرفوں “یروشلم ناٹھ اسرائیل غی راجدھانی قرار دتا جان غا اعلان تیں بعد اسلامی مُلکاں مانہ احتجاج غو سلسلو شروع ہو گیو تھو۔

<><><><><><><>

## NIA ZAKIR

قومی تحقیقاتی ایجنسی این۔آئی۔اے غو کہنو ہے جے واہ “انٹریپول ناٹھ مُتنازعہ اسلامی مبلغ ذاکرنانک غے خلاف رژ کارنرنوٹس جاری کیا جان غا سلسلہ مانہ تازہ درخواست کرے گی این۔آئی۔اے غا اک عہدیدار نے دسیو ہے جے اُن غی پہلی درخواست انٹریپول غی طرفوں ڈاکٹر ذاکر نانک غے خلاف چارج شیٹ دائر نہ کیا جان غی پارڈش مانہ زد کردتی گئی ہے ایجنسی غو کہنو ہے جے ہُن کیو غے اُن غے خلاف ممبئی غی اک خصوصی عدالت مانہ چارج شیٹ دائر کردتی گئی ہے تے واہ ہُن انٹریپول توڑی زاکرنانک غے خلاف رژ کارنرنوٹس جاری کیا جان غا سلسلہ مانہ رجوع کرے گی۔

<><><><><><><>

## SPORTS JAMMU

لڑکا تے لڑکیاں بارے ریاست گو ۹۲ وین والی بال چیمپین شپ اج تیں ایم۔اے سنڈیم جمون مانہ شروع ہوگئی ہے واضع رے کہ ۳ تہاڑان توڑی چلن آلی اس کھیڈ غو انقاد والی بال اسوسیشن آف انڈیا تے ریاستی سپورٹ کونسل غا استراک سنگ کرایو جارہیو ہے اس کھیڈ غو افتتاح ریاستی پولیس گا ڈائریکٹر جنرل ڈاکٹر ایس۔پی۔ویڈ نے کہیو ہے اس موقع ور بولتاں واں ڈی جی موسوف

نے نوجواناں ور زور دتو ہے کہ وے اس قسم غی کھیداں مانہ حصو لے غے ریاست تے ملک ناں  
ترقی یافتہ بنان مانہ آپنو قردار ادا کریں اُنان نے کیو کہ کھیڈ مقابلان مان حصو لین ناں نوجواناں  
ناں بری عاداتاں تیں چھٹکارو مل کسے مہارا نمایندہ نے رپوٹ توری ہے کہ اس والی وال چیمپین  
شیپ مانہ ریاست غا بکھ بکھ ضلعان تیں کل ۷۲ ٹیم حصو لے رہی ہیں۔

<><><><><><>